

Proyecto PPP Green Corridor ta cuminsa na inicio di 2014

E ta encera un inversion cuantioso cu ta duna un impulso grandi na economia di Aruba



ORANJESTAD(AAN): Green Corridor ta un otro proyecto grandi cu ta den pipeline pa wordo ehecuta. Relaciona cu e tarea ricibi di gobernador formador Eman ta atendiendo cu e puntonan di prioridad cu tin riba mesa den formacion di un gobierno nobo y tambe e puntonan di atencion cu gobierno mester duna. E aspecto di desaroyo economico, di un otro pilar economico, di calidad di bida di e ciudadano, di cohesion social y di entrada di gobierno a wordo hopi accentua door di gobernador den su tarea na formador Eman.

Formador Eman a subraya cu ta den cuadro di e puntonan di atencion aki e hunto cu su team ta invitando gruponan den sociedad, entre nan gremionan comercial, sindical y otro organisacionnan pa hiba deliberacion cu nan. “Tambe nos ta invitando esnan cu ta forma ekipo di algun proyecto hopi grandi cu ta bay wordo ehecuta durante e siguiente añanan den periodo di e gobernacion nobo”, Eman a splica. Tur e proyectonan aki tin un impacto y un efecto economico grandi y ta brinda oportunidad pa por logra hopi di e temanan cu gobernador a pone den su peticion na e gobierno cu ta bay sinta. Teniendo cuenta cu e peticion aki y e spin off effects cu gobierno por crea cu e diferente proyectonan formador y su team ta hibando conversa-

‘Green Corridor’ y ‘Watty Vos Boulevard’ (ringweg III), cu ta e 4-baansweg for di aeropuerto pasando rond di Oranjestad pa yega bek riba boulevard. Eman “E proyectonan aki tin diferente impacto importante pa e obhetivonan di e gobierno nobo formula tambe den e carta di gobernador”. Proyecto PPP Green Corridor y Watty Vos Boulevard ta encera un inversion cuantioso den economia di Aruba. “Den caso specifico di Green Corridor nos ta papia aki di un proyecto cu ta cuminsa na inicio di 2014. Ta cuminsa cu e pre-work cu ta e conexon entre e area di Barcadera y Green

Corridor, cu ta e caminda cu ta haci posibel pa e fluho di trafico cu ta bay bin di e desaroyo di e waf di container por cana bon”. Cu construccion di e Green Corridor e molester di trafico pa habitantenan di Cas Paloma, Parkietenbos, Simeon Antonio y Mahuma ta disminui, creando asina un alivio grandi pa e vecindarionan ey. Eman a splica cu esaki ta e prome fase di e proyecto Green Corridor cu ta inicia pa na mita di 2014 si tur tur cos cana bon sigui cu construccion di e Green Corridor mes. Un proyecto cu ta tuma dos aña pa keda cla cu un inversion di cien milyon florin. “Un inver-

sion cu ta bay directamente den nos economia”, Eman a bisa. E proyecto aki ta crea hopi cupo di trabou, hopi oportunidad pa companianan local por participa den tur aspecto di e proyecto aki. Un parti grandi ta wordo dedica na embeyecimento den e area entre caminda y casnan. Aki ta bay bin parke, fietspaden, caminda pa cana y di recreacion. Tur esaki ta parti di e proyecto ‘Green Corridor’ cu ta algo hopi positivo pa e barionan unda e caminda ta bay pasa. Como resultado adicional Aruba ta bay conoce hopi actividad economico y desaroyonan positivo.